

01/10.4/5171-09
2009-07-31

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱԶԳԱՅԻՆ ԺՈՂՈՎԻ ՆԱԽԱԳԱՀ

պարոն ՀՈՎԻԿ ԱԲՐԱՀԱՄՅԱՆԻՆ

Հարգելի պարոն Արրահամյան

Ձեզ ենք ներկայացնում Հայաստանի Հանրապետության կառավարության եզրակացությունը Հայաստանի Հանրապետության Ազգային ժողովի պատգամավոր Վիկտոր Դավլաթյանի՝ օրենսդրական նախաձեռնության կարգով ներկայացրած «Ազգային անվտանգության մարմինների մասին» Հայաստանի Հանրապետության օրենքում լրացումներ կատարելու մասին» Հայաստանի Հանրապետության օրենքի նախագծի վերաբերյալ:

1. Նախագծի 1-ին հոդվածով առաջարկվող լրացումը հիմնավորման կարիք ունի:

2. Նախագծի 2-րդ հոդվածով նախատեսված լրացումը կնեղացնի օպերատիվ-հետախուզական գործունեության ընթացքում համապատասխան մարմինների հետ որոշակի կատեգորիայի անձանց համագործակցության շրջանակը, ինչը կարող է խոչընդոտել հետախուզական և հակահետախուզական գործունեության իրականացմանը և նվազեցնել հանցագործությունների դեմ պայքարի արդյունավետությունը:

Ելնելով շարադրվածից՝ Հայաստանի Հանրապետության կառավարությունը դեմ է ներկայացված նախագծի ընդունմանը:

Միաժամանակ հայտնում ենք, որ, Հայաստանի Հանրապետության Ազգային ժողովում ներկայացված նախագիծը քննարկելիս, հարակից զեկուցմամբ հանդես կգա Հայաստանի Հանրապետության արդարադատության նախարար Գևորգ Դանիելյանը:

Հարգանքով՝

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՕՐԵՆՔԸ**

«Ազգային անվտանգության մարմինների մասին» Հայաստանի Հանրապետության օրենքում լրացումներ կատարելու մասին

Հոդված 1. «Ազգային անվտանգության մարմինների մասին» Հայաստանի Հանրապետության 2001 թվականի դեկտեմբերի 28-ի N ՀՕ-294 օրենքի /այսուհետ՝ օրենք/ 15-րդ հոդվածը լրացնել հետևյալ բովանդակությամբ «իդ» կետով՝

«իդ/ տարածել ՀՀ արտաքին եւ ներքին քաղաքականության իրականացմանն օժանդակող տեղեկատվություն կամ ապատեղեկատվություն»:

Հոդված 2. Օրենքի 23-րդ հոդվածում՝

1. առաջին նախադասության «առանձին» բառից հետո լրացնել «չափահաս եւ գործունակ» բառերը, իսկ երկրորդ նախադասությունը հանել:

2. 1-ին մասից հետո լրացնել հետևյալ բովանդակությամբ նոր 2-րդ մասով «Ազգային անվտանգության մարմինները պարտավոր են գաղտնի պահել իրենց մտ գաղտնի հիմունքներով համագործակցող եւ համագործակցած անձանց անհատական տվյալները: Այդ անձանց անհատական տվյալների վերաբերյալ տեղեկությունները կարող են գաղտնագրվել օրենքով սահմանված կարգով: Ազգային անտանգության մարմիններն իրավունք չունեն իրենց գործունեության ընթացքում որպես համագործակցող անձ ներգրավելու՝

1/ պատգամավորների

2/ կառավարության անդամների

3/ Սահմանադրական դատարանի անդամների

4/ դատավորների

5/ դատախազներին

6/ մարդու իրավունքների պաշտպանին

7/ Վերահսկիչ պալատի նախագահին

8/ Հանրային հեռուստառադիոընկերության խորհրդի նախագահին

9/ Կենտրոնական ընտրական հանձնաժողովի նախագահին

10/ Կենտրոնական բանկի նախագահին

11/ Հանրային ծառայությունները կարգավորող հանձնաժողովի նախագահին

12/ Տնտեսական մրցակցության պաշտպանության պետական հանձնաժողովի նախագահին

13/ մարզպետների

14/ համայնքի ղեկավարների

15/ համայնքի ավագանու անդամների

16/ Հայաստանյայց առաքելական սուրբ եկեղեցու, ինչպես նաև օրենքով սահմանված կարգով գործող կրոնական կազմակերպությունների ներկայացուցիչների

17/ Ազգային անվտանգության մարմինների, ոստիկանության, զինված ուժերի աշխատակիցների, քրեակատարողական ծառայողների, բացառությամբ օրենքով սահմանված կարգով իրականացվող հակահետախուզական գործունեության իրականացման նպատակով ներգրավման, ինչպես նաև դատախազության եւ այլ Օպերատիվ-Հետախուզական գործունեություն իրականացնող մարմինների օպերատիվ ստորաբաժանումների աշխատակիցների»:

Հոդված 4. Սույն օրենքն ուժի մեջ է մտնում պաշտոնական հրապարակման օրվան հաջորդող տասներորդ օրը:

ՀԻՄՆԱՎՈՐՈՒՄ

**«ԱԶԳԱՅԻՆ ԱՆՎՏԱՆԳՈՒԹՅԱՆ ՄԱՐՄԻՆՆԵՐԻ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔՈՒՄ
ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ» ՕՐԻՆԱԳԾԻ**

Օրինագծի ընդունումը պայմանավորված է Ազգային անվտանգության մարմինների գործունեության արդյունավետության մեծացման անհրաժեշտությամբ: Նախագիծը հիմնովին լրամշակվել է **11.05.2009թ.** իմ կողմից օրենսդրական նախաձեռնության կարգով ներկայացված «Ազգային անվտանգության մարմինների մասին» Հայաստանի Հանրապետության օրենքում փոփոխություններ եւ լրացումներ կատարելու մասին» եւ «Օպերատիվ-Հետախուզական գործունեության մասին» Հայաստանի Հանրապետության օրենքում փոփոխություն եւ լրացումներ կատարելու մասին օրինագծերի փաթեթի վերաբերյալ կառավարության **11.06.2009թ.** եզրակացության հիման վրա:

Օրինագծի մշակմանը մասնակցել են իմ օգնականներ՝ Արմենուհի Սաղաթեյանը եւ Երվանդ Դալլաքյանը: